

## Umno Kuala Langat adakan Korban Perdana



Dari kiri: Sulaiman bersama Ketua Pemuda Kuala Langat, Jefrizal Jaafar dan Hafez sedang melapah daging korban.

**SIJANGKANG** - Umno Bahagian Kuala Langat mengadakan Program Korban Perdana di Kampung Batu 7, sempena Aidiladha, kelmarin.

Ketua Umno bahagian itu, Datuk Sulaiman Mohd Karli berkata, sebanyak 9 ekor lembu dikorbankan dan dagingnya diagih-agihkan kepada masyarakat Islam setempat.

Bellau berkata, Program Korban Perdana itu diadakan setiap tahun selaras dengan tuntutan Islam dalam melaksanakan ibadah korban.

"Pengorbanan bukan sesuatu yang mudah kerana ia dilakukan dengan hati yang bersih dan suci. Justeru, pengorbanan yang dilakukan oleh Nabi Ibrahim dan anakanda baginda, Nabi Ismail wajar dihayati dan dicontohi oleh kita pada

hari ini," katanya.

Hadir sama pada program itu Pengerusi Majlis Belia Daerah Kuala Langat yang juga Pengerusi Belia 4B Selangor, Hafez Shuriddin yang turut menyembelih lembu-lembu korban.

Hafez berkata, penglibatan golongan muda dalam program tahunan itu juga memberikan mereka peluang untuk bersama-sama menghayati erti pengorbanan sebenar, selain menginsafi supaya sentiasa berusaha membantu golongan yang memerlukan.

"Program ini juga dapat mengeratkan hubungan silaturahim dalam kalangan penduduk dan kepimpinan setempat serta membantu golongan fakir miskin untuk mendapat agihan daging korban," katanya.